



Inombolo yefayili: 18/5/5
Isalathiso: 20230725-6684

INGcaciso eMfutshane yeCandelo loLawulo loLwabiwo noSetyenziso-mali: 0001/2023

Iya: KumaSekela Balawuli-Jikelele, kuBalawuli abaziiNtloko, kuBalawuli, kuBaphathi beeSekethe, kwiiNtloko zoLawulo nokuPhathwa kwamaZiko, kumaSekela Balawuli, kwiiNqununu nakoosihlalo bamabhunga olawulo ezikolo zikarhulumente

ISihloko: Ukwahlulwa kwezikolo ngokwamanqanaba entlupheko kazwelonke nezicelo zezibheno ngobume (status) beefizi

1. Ingcaciso ngemvelaphi yamanqanaba entlupheko ezikolo

- 1.1 ISebe leMfundo esiSiseko (iSebe i-DBE) limisela itheyibhile i-*National Poverty Distribution Table (NPDT)*), yeendidi zamanqanaba entlupheko kazwelonke, epapashwa kwi-*Government Gazette* kunye ne-*National Norms and Standards for School Funding (NNSSF)*. Itheyibhile i-*NPDT* ibonelela ngenkqubo ecacisa indlela abafundi abakwizikolo zikarhulumente abahlulwa ngayo ngokwamanqanaba entlupheko. La manqanaba entlupheko abonelela ngokwahlulwa ngokulinganayo kwabafundi ngokwamanqanaba entlupheko kwilizwe ngokubanzi oko kukuthi, yi-20% yabo bonke abafundi kwilizwe ngokubanzi eyenza iNqanaba 1 leNtlupheko (*Quintile 1*) njalo-njalo. Oku kuthetha ukuba yi-60% yabafundi beli lizwe, abaya kuhlelwa njengabafundi abahluphekileyo, amabafakwe kwizikolo ezingahlawulisi zifizi (AmaNqanaba eNtlupheko 1–3).
- 1.2 ISebe i-DBE liyisekele kwidatha yobalo-bantu kazwelonke eyi-*Statistics South Africa's National Census data* le milinganiselo yamanqanaba entlupheko (*poverty scores*) isetyenzisiweyo ukwenza itheyibhile ezinika iinkcukacha-manani ngemeko yentlupheko yoluntu. Lo mgqaliselo uyawuthintela umlinganiselo wobungakanani onokusetyenziswa liSebe leMfundo leNtshona Koloni (iSebe i-WCED), ukwahlula izikolo ngokwamanqanaba entlupheko, ngaphandle kokuba ziyavalwa okanye ziyadityaniswa izikolo ezikumamanqanaba entlupheko anqwenelekayo.
- 1.3 Itheyibhile i-*NPDT* ikwacwangciswe ngokwenqanaba lentlupheko ngalinye ngephondo ngalinye, yaye oko kungqinelanise nokuhlelwa kwezikolo ngokwamanqanaba

entlupheko ephondo. INtshona Koloni isathathwa njengephondo elingahluphekanga kangako phakathi kwamanye amaphondo, nento eyenza ukuba inkqubo yokwahlulwa kwezikolo ngokwamanqanaba entlupheko yeNtshona Koloni ifake i-40% kuphela yabafundi bayo kumaNqanaba eNtlupheko 1–3.

- 1.4 Isebe lemfundo kwiphondo ngalinye lahlula izikolo ngokwamanqanaba entlupheko ngokwale Theyibhile iyi-NPDT. Amasebe emfundo amaphondo amele ukuzifaka izikolo kumanqanaba entlupheko ngokwepesenti eziqulethwe kwiitheyibhile zephondo ngalinye. Ezi pesenti zimisela inani lezikolo amasebe anokuzifaka kwinqanaba lentlupheko ngalinye.

2. Indlela yokwabiwa kwamanqanaba entlupheko ezikolo

- 2.1 ICandelo loLawulo loLwabiwo noSetyenziso-Mali lifumana isaziso se-imeyili esivela kwiCandelo le-*Infrastructure Delivery Management* esimalunga nenjongo yokuvulwa kwesikolo esitsha.
- 2.2 Izikolo ezitsha zibekwa emephini (*plotted*) liCandelo lezoPhando kwi-*Geographic Information System* kusetyenziswa i-*Global Positioning System technology*. ICandelo lezoPhando linika iCandelo loLawulo loLwabiwo noSetyenziso-mali iphepha eliprintiweyo lendawo isikolo esikuyo (*geographical printout*) ngokumalunga nendawo engqonge isikolo/inqila.
- 2.3 ICandelo lezoPhando likwancedisa ngeenkukacha-manani zobume bentlupheko (*poverty statistics*) zabahlali yaye liyaqinisekisa ukuba yeyiphi na imida isikolo esitsha esikuyo.
- 2.4 ICandelo loLawulo loLwabiwo noSetyenziso-mali emva limisela imilinganiselo yamanqaku (*scores*) yamanqanaba entlupheko afanelekileyo (*appropriate poverty score*) nobume (*status*) benqanaba lentlupheko lesikolo, ngokwe-NPDT njengoko ikhutshwe liSebe i-DBE, ukungqinelana nabahlali abangqonge isikolo.
- 2.5 ICandelo loLawulo loLwabiwo noSetyenziso-mali lithumela inqanaba lentlupheko likazwelonke nemilinganiselo yamanqanaba entlupheko isikolo esifakwe kuwo kwiNtloko yeSebe, ngokuqala ligqithe kubalawuli becandelo elikhulu elichaphazelekayo, ukwenzela ukuvunywa kwawo. ICandelo loLawulo loLwabiwo noSetyenziso-mali lazisa inqanaba lentlupheko likazwelonke nemilinganiselo yamanqaku entlupheko (*national quintile and poverty score*) avunyiweyo kubo bonke abachaphazelekayo ababandakanyekayo.

3. Izicelo zezibheno ezichasa ukwahlulwa ngokwamanqanaba entlupheko kunye/okanye ngokobume beefizi

- 3.1 Isiqendu 39(7) se-*South African Schools Act (SASA), 1996 (Act 84 of 1996)* sicacisa ukuba: *Nakuba kukho isiqendwana (1), uMphathiswa makathi ngesaziso esikwiGazethi kaRhulumente qho ngonyaka amisele amanqanaba kazwelonke ezikolo zikarhulumente okanye inxenye yamanqanaba entlupheko alolu hlobo namawasetyenziswe liLungu*

leSigqeba soLawulo (Member of the Executive Council) ukuqaphela izikolo ezingenako ukuhlawulisa iifizi zesikolo.

- 3.2 Ngokwe-NNSSF efakelwe izilungiso epapashwe kwiGazethi kaRhulumente No 29179 ye-31 Agasti 2006, izikolo zihlelwa ngokwamanqanaba ngokususelwa kwintlupheko yabahlali abangqonge isikolo kungekuko kwintlupheko yomfundi ngamnye.
- 3.3 Oku kufakwa kwezikolo kumanqanaba entlupheko kwenziwa ngokungqinelana ne-NPDT epapashwe kwi-NNSSF. **Kuphela zizikolo ezikunyaka wazo wesibini zisebenza, ezinokwenza isicelo sokushenxa kumgqaliselo** wamanqanaba entlupheko xa ngaba isikolo sikholelwa ekubeni oko kumele ukuthathelwa ingqalelo eyodwa. ISebe i-WCED linyanzelekile ukuba lisebenzise inkqubo enobulungisa nesekuhleni xa lijongene nezi zicelo.
- 3.4 **Ukuthotyelwa kwesiqendu 39(7) seSASA**

Ukwenzela ukuba kuthotyelwe imiqathango ye-SASA ne-NNSSF, kuya kusebenza le migaqo ilandelayo kwakunye neemfanelo nemisebenzi eyimbophelelo:

3.4.1 **Izikolo mazingenise** le ngcaciso ilandelayo:

- a) Iprofayili yabafundi abahamba isikolo o.k.t. inkcazo emfutshane ngeprofayili yeenkukacha zabemi basekuhlaleni (*demographic profile of the community*) abaphakathi kwabo abafundi, kuthathelwa ingqalelo iimeko zezengqesho zabazali umz. ukungaqeshwa okanye ukuqeshwa ithutyana/abaqeshwa abanengeniso ephezulu/ephakathi esezantsi/abaqeshwa abangenazakhono, abathembele kwizibonelelo zezentlalo ii-social grants, iindawo zamaphandle/eziziifama ezithelekiswa neendawo zeedolophu/iindawo zamatyotyombe/abahlali abaziindidi ngeendidi, iimeko zabazali o.k.t. abangangabodwa abangatshatanga/abazali abangoomakhulu nootatomkhulu/abagcini babafundi/abazali abagcina abantwana abangengobabo, abazali abafaka amabango okuxolelwa ukuhlawula iifizi, njl.njl.
- b) Ubungqina beengxaki zezemali ezikhoyo ezikolweni ngenxa yobume beefizi zesikolo (*school's fee-status*), o.k.t. isishwankathelo seengxaki zezoqoqosho nezentlalo (*economic and social hardships*) abajongene nazo abafundi o.k.t. intlupheko, ubugewu, ukusetyenziswa gwenxa kweziyobisi, ubundlobongela emakhaya njalo-njalo.
- c) Umgqo-nkqubo wokulawulwa kwamatyala esikolo (*school debt management policy*).
- d) Ubungqina beenzame zokuqokelelwa kwemali ezingamatyala zesikolo ezisetyenzisiweyo kwiminyaka engaphambili nezizathu ezibonisa ukuba kungani na ezi nzame zingaphumelelanga.
- e) Ikopi yemizuzu yeentlanganiso zamabhunga olawulo apho isigqibo sathathwa khona, ebhalwe umhla nesayiniweyo ngusihlalo webhunga lolawulo nonobhala. Imizuzu imele ukuba yeyethuba elingaphezu kweenyanga ezintandathu

3.4.2 **li-ofisi zezithili mazingenise** oku kulandelayo kwaNdlunkulu:

- a) Ileta enika izizathu ezixhasa isicelo sesibheni, esayinwe ngumphathi wesekeke ochaphazelekayo nomlawuli wesithili.
- b) IiNgxelo-mali zakutshanje eziPhicothiweyo (*Annual Financial Statements (AFS)*), umz. isicelo sesibheni sango-2023, iingxelo-mali eziphicothiweyo (AFS) zesikolo zango-2022 mazisetyenziswe.
- c) Ibhajethi ngokumalunga neeNgxelo-mali (AFS) ezingenisweyo.

3.4.3 USekela-Mlawuli weNkonzo zeZiko kwi-ofisi yesithili echaphazelekayo makayijongise ileta yesibheni nganye ukukhangela ukuphelela kwayo, ulawulo lwezemali noqoqosho nolawulo lwezemali esikolweni nokufaneleka kwaso esebenzisa ingcaciso enikwe sisikolo nokwenzela ukunika ingcebiso ngesibheni okanye ukusikhaba isibheni ngezizathu ezifanelekileyo.

3.5 **Ukungeniswa kwezicelo zezibheni**

3.5.1 **Izikolo** mazingenise izicelo zezibheni ukwenzela ukuvunywa kwazo nguMphathiswa wePhondo, zisayinwe yinqununu nangusihlalo webhunga lolawulo yaye mazihanjiswe namaxwebhu ekubhekiswa kuwo apha ngentla kuMlawuli weSithili we-ofisi yesithili echaphazelekayo.

3.5.2 **li-ofisi zezithili** mazingenise izicelo zezibheni ezijongisiweyo namaxwebhu ahamba kunye nazo ngolu hlobo lulandelayo:

Nge-imeyili apha:

WCED.NormsandStandards@westerncape.gov.za

(nakulo: Elton.Bezuidenhout@westerncape.gov.za)

Okanye ziziswe ngesandla apha:

Western Cape Education Department

7th Floor, 1 North Wharf Square

2 Lower Loop Street

Foreshore

Cape Town

8001

Okanye zithunyelwe ngeposi apha:

Head: Education

For attention: Directorate: Management Accounting

Western Cape Education Department

Private Bag X9114

Cape Town

8000

- 3.5.3 Iileta zezibheno mazibe neenkukacha ezipheleleyo. Iileta zezibheno ezingaphelelanga ziya kurhoxiswa zize zibuyiselwe kwi-ofisi yesithili ukwenzela ukuba ziqukunjelwe.
- 3.5.4 Izicelo zezibheno mazingeniswe kwaNdlunkulu ngokuqala zithunyelwe kwiCandelo loLawulo loLwabiwo noSetyenziso-mali, ukususela **ngoJulayi ukuya kowe-30 Septemba qho ngonyaka** ukwenzela ukuba ziqwalaselwe yaye zivunywe nguMphathiswa wePhondo. Oku kuya kuqinisekisa ukufumaneka kweeNgxelo-mali eziPhicothiweyo eziza kusetyenziswa yaye kuvunyelwe ixesha elaneleyo lokwaziswa kweziphumo phambi komhla wokuqala kunyaka-mali omtsha, ngowe-01 Apreli.
- 3.5.5 Izicelo ezifike emva kwexesha aziyi kuqwalaselwa yaye izicelo ezitsha mazingeniswe ngethuba lomjikelo omtsha njengoko ubungqina bunokuba butshintshile yaye kuya kusebenza iiNgxelo-mali eziphicothiweyo ezichaphazelekayo ngelo xesha.
- 3.6 Sakuba sithathelwe ingqalelo isicelo sesibheno, inkcazo ebhaliweyo ngokuqhubekayo iya kuchazelwa izikolo kusetyenziswa i-ofisi yesithili echaphazelekayo ngokumalunga nesigqibo esithathwe nguMphathiswa wePhondo nokuba ingaba isicelo sithathwe njengesona silungiselela isikolo ngeyona ndlela ibhetele na.
- 3.7 Izicelo zezibheno eziphumeleleyo ziya kuba zezonyaka-mali olandelayo o.k.t. ukususela ngowe-01 Apreli.
4. Le ngcaciso imfutshane itshitshisa umhlathi 3 weSetyhula 0027/2019.
5. Kucelwa nazise ngokuqulethwe kule ngcaciso imfutshane bonke abachaphazelekayo ukuze bakuthathele ingqalelo.

ISAYINWE: NGU-L ELY

USEKELA MLAWULI-JIKELELE WEENKONZO ZEZIKO

UMHLA: 2023-08-07